

Plenchi

Bèl a bati

Hala bola, subi nos plenchi di informashon i kombersashon. Kontentu ku bo tei ku nos pa tira un bista riba nos plenchinan di skol. Nos a tuma nota di notisianan positivo i otronan pa pone nos para ketu i reflehá. Plenchi na Pietermaai tabata yen di hende djasabra ultimo. Un ambiente masha dushi mes. Esta un kreativitat di skolnan. Poko arte, di kita sombre. Kuminda sukulento i pasa boka delisioso. Nos a pasa sie riba plenchi. Di mes bo ta mira, wak, admira pero tambe tende hobennan su presentashon. Nan a kanta, baila i gosa. Anto un chikiti di Glorieux College a hasi furor. Su nomber taanto el a resa masha bunita mes pa habri e dia speshal aki. Despues el a dirihi e kanto tambe di kantikanan gospel. Tur presente a keda ta papia di e hoben prometedo aki.

Plenchi a tuma nota di fayesimentu di Jan Ackermans, èks direktor di st. Franciscus College. Un persona ku nos ta kòrda pa su balentia i perseveransha. Vishon i amor pa enseñansa i pa hóbennan. Lus eterno lusa pé. Nos lo keda kordé ku legria i gratitut den nos kurason.

Orashon

Señor protehá nos di tur malu.

Guia nos Señor ora nos mester skohe den bida.

Oumentá nos fe Señor pa nos konfia den Bo semper.

Libra nos di tentashon i tene nos man den momentu di duda.

Danki Señor pa Bo guia i amor.

Riba roster

ST. FRANCISCUSCOLLÈGE



*Het schip vaart nu voort,
Met onze schipper aan boord.
Met een glimlach op zijn gezicht,
Verliezen wij hem uit het zicht.*

Bedroefd, maar dankbaar voor het vele dat hij voor ons heeft betekend, geven wij van het Sint Franciscus College u kennis van het overlijden van onze geliefde vader, broer, vriend, schoolleider van **1975 tot en met 2002.**

Johannes(Jan) Marius Ackermans

Leerkrachten, leerlingen ,ouders van het Sint Franciscus College wensen zijn nabestaanden veel sterkte toe met dit groot verlies.

*Je hebt ons nu verlaten
Je kon niet langer blijven
Het was je tijd
Je tijd om te gaan*

Meneer Ackermans uit het oog, maar nooit uit ons



Not'é riba bòrchi

Nos futbòlistanan di St. Antonius College a bria den futbòl.

Mr. J. Isenia un studiante na The College of the Dutch Caribbean ku ta koriendo stazje na FDDK (Fundashon Desaroyo Deportivo Kòrsou) i alabes un eks-alumno di St. Antonius College a aserká nos skol pa partisipá na un Mini torneo di futbòl. Sin pensa 1,2,3 nos a bisa SI pa demostrá ku S.A.C. por destaká den e deporte di futbòl. E torneo a tuma lugá 19 di mei na Cruijff Court na Monrepos.

Nos a kompetí ku 3 otro tim di skol di fundeshi. Nos a GANA tur e 3 weganan i a hinka 10 golaso na tur. E golnan nos ta yama danki na Steven Albertus ku a sali e alumno di S.A.C. mas deskatá i ku a pone nos skol bria ku hopi legria, ku nos por a bai ku e premio di promé lugá. Nos ke, Nos por. Masha pabien na nos tim kampion di St. Antonius College!



Mr. Isenia a otorgá e kopa na Steven i na tim di St. Antonius College.

Den agènda

- **30 mei ta rekordá 44 aña 30 di mei 1969**
- **Último dia di skol pa studiante i alumnonan ta 3 yuli 2015**
- **Startconferentie pa tur personal di RK dia 3 di ougustus 2015**
- **Promé dia di skol pa studiante i alumnonan 6 di ougustus 2015**

Mi ta konta

Hocus Pocus

Rebeka for di chikitu tabata yora hopi. For di na krèsh te awor ku e ta na lushi e ta yora asina e outo para dilanti e edifisio ku e mester keda. E ta bira históriko benta kurpa abou, sapatíá hasi masha mahos. Ni maske kiko e mama hasi ku né e ta keda yora. E mama no ke ni sali ku Rebeka mas pa e no pone su kara na berguensa.

Un dia den poppenhoek na skol Rebeka a hunga pa mama. El a bisti su sapatu hilchi haltu i skonde kore sali for di kas bai. Awor e ta grita e alumno ku ta hunga pa yu ku e mester yora paso su mama a bai lague. Yufrou a sinta i opservá loke ta pasando. El a yama Rebeka pa puntre dikun el a bisa e yu ku e mester yora. Papiando ku Rebeka yufrou a komprondé e problema. Semper Rebeka su mama ta sluij, skonde sali kas pa Rebeka no wak e. Na skol tambe asina e hibé e no ta yamé ayo, e ta sluij kore bai pa e yu no yora. Asina ta ku Rebeka tabata trastorná i tabata insegur. E no sa ki ora su mama a bai ni e no sa si e ta bin bèk bin buské. Pa kolmo e mama ta stewardès i sa bai keda 2 pa 3 dia sin bin kas. Mesora yufrou a traha un sita ku Rebeka su mama pa splike kiko el a haña sa.

El a splika mama di Rebeka ku semper bo mester yama bo yu ayo, maske kuantu e yora den kuminsamentu. E yu mester konfia den bo, sa ki ora bo ta bai, ku ora bo ta bin bèk. Maske e no sa wak oloshi, spliké ku ora skol kaba su mama ta bin buské. Of spliké ken ta bin buské i pakiko. Pa un yu desaroya emoshonalmente e mester siña tuma despedida i su grandinan mester yudé den esaki. Skonde bai no ta yuda. Lague yora den kuminsamentu pa despues e ripará ku bo ta honesto ku ne. Bo ta bai pero lo bini bèk. Esaki ta un bon base pa e yu desaroyá emoshonalmente sano.

Un prenchi
Un bista di e Ban Topa 45 aña RK



St. Rosa de Lima den Ban Topa 45 aña RK



Kolegio Sur Herman Joseph den Ban Topa 45 aña RK



St. Antonius College na Ban Topa

Mucha djispou

Un yúfrou pertinènt i bistí tur na último moda, uña largu di hars, ta solisitá pa kuida yu di pareha Libier.

Sra. Libier ta tene un kombersashon ku e yufrou pa e spliké ku maske e tin su papelnan, e ta hañé tog muchu yong, kòrtiku i frágil pa kuida un beibi.

E solisitante ta hasi su bèst pa kambia e señora su desishon.

Solisitante: “Señora tin bentaha masha grandi ora bo ta kòrtiku. Kada bes ku mi laga e yu kai e ta yega suela lihé. E no ta haña sla masha di gravedat dor di esei.